

Sarajevo, **04-03-2021**

Broj: **8-04-4-11288**

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br.10-33-4-9638 od 23.02.2021. godine, Generalna direktorica donosi:

ODLUKU

o izboru najpovoljnijeg ponuđača za
" Pružanje termoizolaterskih usluga "

I

Prihvata se prijedlog Komisije za javnu nabavku, Izvještaj br. 10-33-4-9638 od 23.02.2021.godine za pružanje termoizolaterskih usluga, nakon provedenog konkurentskog zahtjeva da se Okvirni sporazum dodjeli dobavljaču **PROFIL-ISOLATION d.o.o. Doboj** prema jediničnim cijenama iskazanim u Ponudi i uslovima plaćanja (odgođeno plaćanje do 60 dana od dana izvršene usluge i ispostavljanja računa).

Okvirni sporazum se zaključuje na vrijednost od 15.000,00 KM bez PDV-a u trajanju od 12 mjeseci računajući od dana obostranog potpisivanja, odnosno do isteka maksimalne finansijske vrijednosti.

Rok izvršenje usluga: 60 (šezdeset) kalendarskih dana od dana izdavanja narudžbenice.

Garantni period: 24 (dvadestčetiri) mjeseca.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

III

Ova Odluka stupa na snagu danom donošenja i u skladu sa zakonskim propisima će biti dostavljena ponuđaču učesniku postupka javne nabavke i objavljena na web stranici KCUS-a putem web stranice Kantona Sarajevo.

O B R A Z L O Ž E N J E

Na osnovu Odluke o pokretanju postupka javne nabavke br. 01-11-3-5823 od 03.02.2021.godine sa procijenjenom vrijednosti nabavke u iznosu od 15.000,00 KM bez PDV-a, Klinički centar Univerziteta u Sarajevu je 04.02.2021. godine objavio Obavještenje o nabavci broj: 893-7-2-61-3-37/21 na portalu e-Nabavke zajedno sa tenderskom dokumentacijom za pružanje termoizolaterskih usluga, putem konkurentskog zahtjeva.

U skladu sa članom 88. Zakona o javnim nabavkama („Službeni glasnik BiH“, broj 39/14), poziv za učešće u postupku javne nabavke upućen je sljedećim ponuđačima:

1. INTER CLIMA d.o.o. Sarajevo
2. CLIMA-TRADE d.o.o. Sarajevo
3. E+E+E+ENERGY d.o.o. Sarajevo
4. PROFIL - ISOLATION d.o.o. Doboj

Tenderska dokumentacija je preuzeta od strane sljedećih potencijalnih ponuđača: e-Kapija d.o.o, BBS Europe, PROFIL - ISOLATION d.o.o. Žepče, E+E+E+ENERGY d.o.o. Sarajevo, CLIMA-TRADE d.o.o. Sarajevo, AGENCIJA ZA ZAŠTITU LJUDI I IMOVINE INZA D.O.O. SARAJEVO, GRADPROM D.O.O. SRBAC, MANECO D.O.O., GALBOLS D.O.O, KRISTAL, DŽE-KA GRADNJA D.O.O. VISOKO, TEHNOPETROL TUZLA, OKI UPRAVITELJ D.O.O i CENTAR ZA RAZVOJ MEDIJA I ANALIZE

[Handwritten signature]

Krajnji rok za dostavu ponuda-prijava za učešće u javnoj nabavci bio je 19.02.2021. godine do 09,30 sati.

U ostavljenom roku za predmetnu nabavku blagovremeno je dostavljena 1 (jedna) ponuda na protokol KCUS-a: PROFIL-ISOLATION d.o.o. Doboj br. 10-11-3-8949 od 18.02.2021.godine.

Zapisnik o javnom otvaranju ponude broj:10-33-4-9102 od 19.02.2021.godine u zakonski predviđenom roku dostavljen je putem fax-a ponuđaču.

Komisija imenovana Odlukom broj: 01-04-4-7275 od 10.02.2021.godine pristupila je provjeri dokumentacije dostavljene uz ponudu i sačinila Izvještaj o provedenom postupku br.10-33-4-9638 od 23.02.2021. godine, u kojem je konstatovala da je ponuda ponuđača **PROFIL-ISOLATION d.o.o. Doboj** je formalno-pravno i tehnički ispravna i može biti predmet vrednovanja.

Za dodjelu Okvirnog sporazuma za pružanje termoizolaterskih usluga predviđeno je provođenje e-aukcije, ali u skladu sa Članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) nije bilo moguće zakazati postupak e-aukcije iz razloga što je dostavljena samo jedna ponuda u predmetnom postupku.

Budući da je cijena zadovoljavajuće ponude u okviru osiguranih sredstava za predmetnu nabavku, Komisija je dala prijedlog, Izvještaj br. 10-33-4-9638 od 23.02.2021. godine, da se za pružanje termoizolaterskih usluga donese Odluka o izboru najpovoljnijeg ponuđača i Okvirni sporazum dodjeli ponuđaču PROFIL-ISOLATION d.o.o. Doboj, prema jediničnim cijenama koje čine sastavni dio Okvirnog sporazuma u maksimalno iznosu do 15 .000,00 KM bez PDV-a. Prijedlog Komisije je prihvaćen i donijeta je odluka kao u dispozitivu.

GENERALNA DIREKTORICA

Prof.dr. Sebiha Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

Ljiljana Kumarić